



Шочмо эл, порылык да чын верч!

Будь готов!

15-ше (3559) №,
2022 ий 15 апрель,
кугарня.



Ямде лий

1933 ий 1 февраль годсек лектеш.

0+

Лөза росота – сай лектыш



Авторын фотожо.

ПОДПИСКЕ

Шыжым поян пакчасаскам поген налаш манын, шошымак пүжвүдым йоктарен тыршыман. Кызыт нөшмым үдымө да росотам ончен куштымо тургым. Паша мөнгыштө веле огыл, школашат шолеш. Теве Морко район Шенше школын туныктышо ден тунемшыже-влак түрлө кушкылым ий еда ончен куштат (снимкыште). Тиде сомылым технологийым туныктышо И.С.Гаврилова вуйлата. Кызыт класлаште помидорым, баклажаным, сальвийым ужаш лиеш. Лишыл жапыште ковыштам, георгиным да моло түрлө

пеледышым үдаш шонат.

– Йоча-влак вүдым шават, росотан кушмыжым кажне кечын гаяк эскерат. Вет нуно палат: лөза росота поян лектышым сөра. Тунемме ий мучаште йыражышке шындаш полшат. Кеңежым үдыр-рвезе-влак практике ден дежурствым эртат. Мландым пушкыдемдат, шүжшудым кўрыт, вүдым шават. Пашам ышташ изинек туныктена. Тыгай калыкмутат уло: «Паша йўкта, паша пукша, паша илаш туныкта», – ойла Инна Сатиевна.

Х.АЛЕКСАНДРОВА.

2022 ийын кокымшо пелийжылан «Ямде лий» газетлан возалташ вашкыза.

Возалтме йөн-влак:

почто отделенийште;

podpiska.pochta.ru сайт
полшымо дене.

Ак – 385 тенгеат 80 ыр.

Индекс – П4696.

Подпискым ыштыше-влак коклаште лотерей модыш эрталтеш. Тидлан квитанцийын копийжым редакцийышке колтыман.

Рекламе.

Кум Ўдырлан - корно «Артекыш»

«Живая классика» всероссийский конкурссын регионьсо йыжынжым иктешленит. Республикысе тўрлў школышто тунемше 43 йоча мастарлыкшым онлайн ончыктен. Марла лудшо-влак коклаште Шернур район Лажъял школын 6-шо классыштыже тунемше Алиса БУСЫГИНА (снимкыште) сеңгышыш лектын.

Рушла лудшо-шамыч коклаште Мария Торощина (Йошкар-Оласе Т.В.Иштрикова лўмеш «Синяя птица» гимназий, 8-ше кл.), Анна Седых (У Торъял школ, 6-шо кл.), Дарья Пирогова (Кужанер школ, 7-ше кл.)

ойыртемалтыныт. Кумныше Марий Элын чапшым конкурссын полуфиналыштыже аралаштўналеш. Тудо 4-5 майыште «Артек» тўнямбал йоча рўдерыште эртаралтеш. Сеңымашым тыланена.

Х.АЛЕКСАНДРОВА ямдылен.
Фотом школ архив гыч налме.



Российысе увер

Ўдыр-рвезе-влак,
«Мемнан элна – Россий» калык сымыктыш усталык тўнямбал онлайн конкурсш ушныза. Йодмашым да пашам 9773574748@mail.ru электрон адрес дене **28 апрель марте** колтыза.

«Сферум» увер кыл платформо медиапроектим возымо открытый чемпионатим увертарен. Школышто тунемше-влаклан, командым чумырен, проектым возыман. Йодмашым prof-sferum.ru адрес дене **22 апрель марте** колтыман.

«Экологический герб: знать, чтобы сохранить» всероссийский сўрет конкурсш 7-18 ияш-влак ушнен кертыт. Пашам **31 июль марте** колтыман. Тўрыс увер – vernadsky.ru сайтыште.

Марий Элысе увер

30 апрельыште Самара гыч Йошкар-Олаш **«Шинчымаш вагон»** толеш. Регион-влак кокласе туныктымо проектым йоча, ача-ава, туныктышо-шамычлан кельыштарыме. Нуно оласе сълне верлам ончен савырнат, тоштер ден театрыште лийыт.

Марий кугыжаныш университет 9-11-ше класслаште тунемше-влаклан **«Стань журналистом»** республикысе конкурсым эртарат. Пашам konkurs_jur@mail.ru адрес дене электрон почтыш **24 апрель марте** колтыман. Тўрыс увер – «ВКонтакте» соцкылысе «Школа журналистики» тўшкаште.

12-25 ияш йоча ден самырык ен-влак, **«История местного самоуправления моего края»** всероссийский конкурссын регионьсо йыжынжыкыже ушныза. Йодмаш ден пашам otdelmsu@mail.ru адрес дене электрон почтыш **1 май марте** колтыза.

Историйым шергалына

1945 ий 16 апрельыште совет войска-влак Берлинский наступательный операцийым тўжалыныт.

1242 ий 18 апрельыште Александр Чевскийын вуйлатыме руш воин-влак Чудской ерыште Ий ймбалне крдаллаште немич рыцарь-влакым сеңенит. Российыште 18 апрель Воинский чап кече семын палемдалтеш.

Йошкар-Олаште верланыше Республикысе йоча да самырык-влаклан йоча технике усталык рўдер пелен «Кадр» документ кино (вуйлатыше А.С.Харыбин) ден «СТИК» игровой кино да мультимедий (вуйлатыше Н.В.Шаропин) студийла пашам ыштат.

Тушко кошшо ўдыр-рвезе-влак «Волга-Юнпресс-2022» йоча да самырык-влак журналистикке да экран усталык тўнямбал фестивальышке ушненыт да ятыр таңасыште сеңгыше радамыш лектыныт.

Российыште Финанс нерген шинчымаш фестиваль 15 апрель марте эртаралтын.

Оксан акшым палат

Провой кундем Кужмара школын тунемшыже-влакат (снимкыште) фестивальыш ушненыт. Тўналтыш класслаште тунемше йоча-влак «Смешарики» мультфильмым онченит. Онлайн-урокушто окса, банк нерген рашрак пален налыныт. 5-8-ше класслаште оксам шотлаш тунемыныт. 9-11-ше класслаште шинчымашым погышо ўдыр-рвезе-влак класс шагатыште вашмутланымашым эртареныт, онлайн-викториньыште уш-акылыштым тергеныт.

Уверым школын сайтше гыч налме.



Фотом школ архив гыч налме.

Эре ямде улына

Мемнан дружинына Аркадий Гайдарын лүмжым нумалеш. Тудым вич отрядлан шелме. Пионер-влак шке пашаштым пенгыдын шуктен шогат: сайын тунемыт, почеш кодшылан полшат. Нунылан кугурак класслаште тунемше-влак польшым пуат. Налаш теве 9-ше «А» ден 9-ше «Б» класслам. Тыште тунемше-влак кажне вүргечын 5-ше ден 6-шо класслаште политинформацийым эртарат, түрлө модышым туныкшат, пырдыжгазетым лукташ полшат, почеш кодшо-влаклан материалым умылтарат.



Пионер-влак кенежым «Прогресс» колхозлан шудым погаш, пасушто шүкшудым сомылаш, олымым чумыраш, шыжым паренгым лукташ полшенит. Пашаште утларакшым Рая Голловина, Веня Янгабышев, Генна Тойдыбеков, Галя Егошина ойыртемалтыныт. Чыла тидым шотыш налын, колхоз правлений нунылан кугу таум каласен да пөлекым пуэн.

Мемнан пионерна-влак тыгак мураш-кушташ мастар улыт. Чүчкыдын концертм шындат, түрлө касым эртарат. Шукерте огыл нуно «Ўскырт йоча» пьесым шынденит. Кызыт 6-шо, 7-ше класслаште тунемше-влак «Шагат» пьесым ямдылат.

Тунеммаштат ончылно улыт. Мутлан, Миша Романов, Слава Соколов, Зина Ямаева, Валерий Егосин икымше пелыйым сай оценке дене гына пытареныт. 7-ше классыште

Чапле
лїмгече
вашеш
пионер-

ПИОНЕРИ
100 ЛЕТ

влакын эртыме корныштым шергалаш тїнгалына. Чолга юнкор-влак пионер ылышышт нерген газетым возеныт. Тидын нерген пален налаш пайдале, шонена.

тунемше
Лида Чемековалан «Орлёнок» пионер лагерыш каяш пүтөвкым пуымо.

Дружинына ий еда кушкеш, виянеш. Кызыт школышто 140 пионер уло. Кугурак классласте пионер-влак комсомол радамыш пураш ямдылалтыт. Мемнан ончылно паша мучашдыме. Но ме вуйым огына сак: тунемашат, пашаланат эре ямде улына.

Зинаида ШЕСТАКОВА,
дружине советын
председательже.

У Торъял, Тошто Торъял,
1967 ий.

Каныш - куан

Ялыште шошо шкенжым озала куча. Каникул жапыште кагаз гыч пушым ыштен, уремыште йогышо вүдыш колтыл модынна. Лум денат модаш монден огынал. Нөрэнна гынат, кумылна нөлталтше лийын. Шошо каныш ятыр куаным конден.

Надя РАССАНОВА, Елизавета РОЗМАНОВА.

Каникул годым яра жапым книгагудышто эртаренна. Рушла, марла ятыр книгаг шергалынна. Илышыште келге шинчымаш - кугу вий. Теат, йоча-влак, книгаг лудаш ида оркане. Газет да журнал-шамыч дене кылым кучыза.

Ангелина ВАСИЛЬЕВА, Камилла ПЕТУХОВА.

Морко, Коркатово.



Толын шошо

Шошо толын. Лум шула.
Кече тудым шулдара.

- Тый ит кий, йолташ,
мален, -

Шырчык мурым
шуйдара.

Чылт памашла вүд йога,
Писын кемым чиена.

Кө ик верыште шога?!

Пушым колтыл модына.

Макар КАЛАШНИКОВ.

1-ше номеран Морко школ.

Теныз пашалан тунемыныт

Звенигово ола гыч самырык моряк-влак (снимкыште) «Россия - страна мореходов XXI века» кугу проектышке ушненыт. Нуно Великий Новгород олаште капитан Н.Г.Варухинын теныз рүдериштыже морской пашалан вич кече тунемыныт. Эмганыше-влаклан икымше польшым пуымо шотышто шинчымашыштым пенгыдемденит. Навигаций тренажерым ужныныт. Тренажёр полшымо дене суднын түрлө энгегыш логалын кертмыжым: тензысе кугу тутаныште але ий коклаште ийын коштмыжым - ончыкташ лиш. Тыгай проект моряк-влакым теныз пашалан утларак кумылан ден.

Х.АЛЕКСАНДРОВА ямдылен.



Фотом Интернет гыч налме.





Таум каласа

«Кап-кап-кап» – лум шула,
 «Кроп-кроп-кроп» – ий шелеш.
 «Чоп-чоп-чоп» – ошкылам,
 Кем тич вўдым кошталам.
 Чўгытым изим кучем,
 «Тук-тук-тук» – пеш перкалем.
 «Тить-тьить-тьить», – манеш киса.
 Таум пуйто каласа.
Екатерина ШУЧИНА.
Шернур, Пўнчерыймал.

Вашке тўня у жарга

Кажне пагыт шке семынже мотор, поян. Мыланем шошо утларак келша. Пўртүс помыжалтеш. Кече ший йолважым шаралта, шокшыжым мыланна пўлекла. Ош лумым вўдыш савыра. Вучымо унана, шырчык, сылне мурым муралта да



Киса пўрт

Тиде кайык пўртым руш-лаже «синичник» маныт. Тудо изирак кайык-влаклан келыштаралтеш, мутлан, кисалан. Технологийым туныктышо А.С.Григорьевын вуйлатымыж почеш тыгай киса пўртым школышто ыштенна (**снимкыште**). Эн ондак она пўчыкш-влакым ямдыленна. Ик она покшелан рожым шўтенна. Вара моло ужашлам иквереш чумыренна. Пушенгыш пижыкташ манын, изи пўртын

шенгекыже кужу рейкым пудаленна. Ямде синичник-влакым чодырашке нангаен сакаленна. Поро пашалан «Юный лесовод» школ лесничествын кружокыштыжо (вуйлатыше З.К.Митрофанова) кумылангынна. Шулдыран йолташна-шамыч садпакчанам шукш-копшангевлак деч аралаш тўналыт манын шонена.

Максим СТЕПАНОВ.
Морко, Унчо.
 Фотом школ архив гыч налме.

чўчкалтен колта. Пуйто шырчык омартам ыштен ямдылымылан таушта. Вашке тўня у жарга. Уремыште, пакчаште калык мўкшла пашам ышташ тўналеш.

Савелий ФЁДОРОВ.
Морко, Энерсола.



Рывыж

Пире

Меран

Коляйс

Ирсосна

Аралыза пеледышым

Шошым эн ончыч папашудо «шўйжым» шуя. Тудо кечым ушештара. Йошкар-Олаште тений 23 мартыштак пеледын манын ойлат. Папашудо деч вара лумпеледыш помыжалтеш. Тудым пўнчерлаште ужаш лиеш. Пирыгичкат ондакак пеледалтеш. Сирень тўсан пеледышыже тамлын ўпшалтеш да шкеж дек ўжеш. Йоча-влак, тўткў лийза! Тудым тўкаш ок лий – аяран. Май тўналтыште кукувуй, чечкевондо, кишкыйылме, мардеж-йымалшудо пеледалтыт. Ночкырак верыште тўкышудо, ўшвуйшудо койыт. Варарак ландыш ден тылзылўнгў озаланаш тўналыт. Ятыр пеледышым Йошкар книгашке пуртымо. Нуным аралаш кўлеш. Мый тидын нерген йолташем-влаклан палдаренам (**снимкыште**).

Давид ТИМОФЕЕВ.
Волжск, 2-шо номеран школ.

Янлык кыша

Янлык лўм ўмбалам шке кышажым кода. Тудым эскерен моштет гын, янлык нерген шуко ум да онайым пален налаш лиеш. Сандене, йоча-влак, пўртүс ылышым эскераш тунемман. Мутлан, пире тўшка ик кыша дене кая, пуйто ик янлык веле эртен манын шонет. Рывыж ик тўр корным кода – кандыра ўмбалне кудалшыла коеш. Меран сут янлык-влак деч шылашлан ондалчык кышам ышта. Моло янлык-влакынат шке секретышт уло.

Полина ПЕТУХОВА.
У Торъял, Кузнеч.



Фотом школ архив гыч налме.

Моторлыкым шижше пиалан

«Ямде лий» 2022 ий 15 апрель

Йоча искусство школысо, книгагудысо, тўвыра полатысе, школысо кружок-шамыч ўдыр-рвезе-влакым сымыктыш дек шўмандат. Теве Башкортостан Республик Нефтекамск олесе Йоча да самырык-влак усталык полатыште илыш шолеш. «Акварель» кружокышто гын сўретлаш тунемыт (снимкыште). Тудым Л.И.Шуматбаева вуйлата.

– Мый изинек сўретлаш йўратем. Школ деч вара рисований дене туныктышылан тунем лектынам. Магистратурышто дизайнер лияш ямдылалтынам. Мыланем вургемым марий

тўр дене сўрастараш келша. Сўретлашкemat марий сыным пуртем. Сылнылыкым ужын мошташ ынде йоча-влакым кумылакдем, – ойла Любовь Игнатъевна.

Уста туныктышо ўдыр-

рвезе-шамыч а к в а р е л ь ы м , г у а ш ы м , ў я н п а с т е л ы м , г р а ф и ч е с к и й м а т е р и а л ы м к у ч ы л т ы н с ў р е т л а ш т у н ы к т а .



Пўртўслан, емыж-саскалан, кайыквусылан, янлыклан тўткышым утларак ойырат. Любовь Игнатъевна йоча-влакым пўртўсым, тудын моторлыкшым эскераш тарата. Урок деч ончыч олесе пўртўс лонгашке лектыт. Кажне пушенгын да моло кушкылын могай улмыштым ончат. Шыжым лышташым поген пуртат.

– Урок деч ончыч теме дене кылдалтыше тўрлў историйым каласкалем. Южгунам сылне семым чўктем. Марий сынан сўретымат сўретлена. Мастарлыкнам олесе, республикысе конкурслаште ончыктена. Тўрлў чиям кучылтын, шонымашым кагазыш луктын пыштыше да моторлыкым шижын моштышо пиалан, – ойла туныктышо.

Х.АЛЕКСАНДРОВА.



Фотом кружокын архивше гыч налме.

М Йотышнаш – вожылаш.

Ялыште сай

Ялыште кеч-могай пагыт мотор. Шошым эрдене уремышке лектат – кече шыратен онча, вўд шоргыктен йога, шырчык сылне мурыжым йонгалтара. Мланде почылтеш, шудо ужаргаш тўналеш, пеледыш пеледалтеш. Кенезым сад-пакчаште емыж-саскам кочкаш лиеш. Мый кияр, помидор гыч салатым, мўр, энжы гыч йогуртым ышташ йўратем. Шыжым пўртўсын моторлыкшым ончен шерет ок тем. Шўртнў тўняшке логалмыла чучеш. Телым чон курык гыч издер, ече дене мунчалташ ўжеш. Тек шочмо ялемын ўмыржў кужу лиеш.

Марианна ЯНДУБАЕВА.
Пошкырт, Мишкан, Тымбай.

Шуаралтын кушкеш

Башкортостан Республик Бирск район Бурмызак школын 2-шо классыштыже моткоч чолга, весела ўдыр тунемеш. Палыме лийнеда? Тиде Вероника Байрамова (снимкыште). Тудо изинек дисциплинылан тунемше, кажне кечыжым шагат еда радамлыме. Дневникыштыже – «нылытан» ден «визытан» отметке-влак веле. Вероника тале спортсменке лийнеже. Сандене спортлан утларак жапым ойыра. Телым ече дене коштеш, кенезым куржталеш, волейбол да баскетбол дене модеш. Ролик ўмбаке шогалеш гын, тудым ниго поктен огеш шу.

– Ешыште куд икшыве улына. Чыланат спорт дене кылым кучена. Мый тўрлў таңасымаште вий-куатем тергем. Медаль ден чапкагазем ятыр улыт. Шукерте огыл ўстембал теннис дене модаш тунемынам. Лишыл жапыште у сенымашыш шуаш шонем, – ойла Вероника.

Е.ИВАНОВА.




Фотом еш архив гыч налме.

М Ёшан – эркин тарванылше.

М Мутерым филологий шанче кандидат А.А.ИЛИЕВА ямдылаш полшен.

Марий талешке кечылан пӧлеклалтше урок



Кӱшыл категориян туныктышо, Россий Президентын грант-шым кок гана налше, Россий Федераций общий образованийын почётан пашаенже, Йошкар-Оласе 21-ше номеран Семёновко школышто кугыжаныш марий йылме урокым вӱдышӧ **О.Н.ВАСЕНИНА** ямдылен.



Талешке-влакын лӱмыштым возыза.



Шомак-влакым чын кусарыза.

26 апрельыште республикыштына Марий талешке кечым _____ (проводят). Тиде кечын _____ (марийский народ) эн чолга, лӱддымӧ, патыр эргыж ден ӱдыржӧ-влакым шарналта. Калыкын историешыже Чумбылат, Акпарс, Болтуш, Мамич Бердей, Акпатыр да молат _____ (глубокий след) коденыт. _____ (Своим трудом) поро шарнымышым кодышо ен-влакымат талешке радамыш пуртена.



Ойлончо-влакым шуйыза.

Кугу Ачамланде сарышке Марий кундем гыч

Шымле ныл тӱжем ен

Латныл тӱжем салтак

Совет Ушем Герой лӱмым

Марий кокла гыч тиде лӱмым эн ончыч

Марий ӱдырамаш-влак обороно фондыш



Келшыше йодыш-влакым возыза.

Чумбылат кугезе марий калыкын ик эн тале да виян лужавуйжо лийын.

Юл кундемысе калык тудым йӱдвел марий кугыжа манын.

Чумбылатын сарзыже-влак мландым тушман деч ик гана веле огыл араленыт.

Чумбылатым Немда энер воктенысе кӱ курыкеш тоеныт.

Тушман керылт пурымо годым марий калык Чумбылат деч полышым йодын.

Марий-влак Чумбылатым кызытат жаплат да курыкышко коштыт.



Шомак-влакым кусарыза.

Талешке – _____, лужавуй – _____, он – _____, сарзе – _____, виян – _____, эрык верч – _____, тушман деч аралаш – _____, сенаш – _____, палемдаш – _____.



Республикысе талешке-влакын лӱмыштым возыза.

Шукерте ожно илыше талешке-влак:

Эртыше курымын талешке-влак:

Кызытсе саманын талешке-влак:



Йодыш-влаклан вашмутым кычалза.

1. Марий тиште кече могай талешке лӱмеш эртаралтеш?
2. Икымше марий опер кӧлан пӧлеклалтын?
3. Подмарев сӱретыштыже могай марий талешкым ончыктен?
4. Чумбылат курык кушто верланен?
5. Тутаи марий князь могай курымышто илен?
6. «Чоткар патыр» сӱретын авторжо кӧ?
7. «Акпатыр» драмым кӧ возен?



Мутер

Талешке – герой. **Сарзе** – воин.
Лужавуй – сотник.



Кызытсе талешке-землякда нерген уверым погыза. Класс ончылно каласкалаш докладым ямдылыза.



Оля СТЕАПАНОВАН сүрөтше.

Морко, Шап Унчо.

Чапланен пурымаш

Кугече деч ик арня ончыч, 17 апрельыште, Иисус Христосын Иерусалимыш чапландаралт пурымыжым шарнен, Кичкывайремым пайремлена. Тиде кечын черкыш шертне укшлам, Юмо деке йоратымашнам ончыктен, надыр семын кондена. Черкыште укш-влаклан вол-

гыдо шўлышым пуртена. Вара мўнгышкў нангаена, юмылукеш шогалтена да идальк мучко аралена. Тудо сурт-печым осал деч аралаш полша.



Сотнур селасе Святой Троице лўмеш черкын настоятельже иерей Игорь САПАЕВ.

Онай цирк

Шошо каникул годым еш дене Озан олашке «Цирковой калейдоскоп» шоу-программым ончаш миенна. Программе поян лийын. Акробат, гимнаст, жонглер, клоун-влак калыкым куандареныт. Мыланем пони да пий-влак келшеныт. «Буйвол ўмбалне маска» номер чот őrыктарен. Мый янлык верч тургыжланенам.

16 апрель – Циркын тўнямбал кечыже.

Морко, Коркатово.

Полина АЛЕКСЕЕВА.

Йоча-влак, те паледа, 19 апрель – Велосипедын тўнямбал кечыже. Теве кенез шуэшат, тошкорморам эн чапле транспортыш савырна. Йолташем-влак дене пырля велосипед дене кудалышташ пеш йоратена. Кенезым Ярамарий гыч вес ялыш мардеж гай писын чымена. Шемъерыш йўштылаш кая-

шат ты техникымак кучылтына. Велосипед капкылнам шуарап полша, тазалыкнам пенгыдемда.

Таня КУВШИНОВА. Волжский, Сотнур.




М.Шкетан лўмеш Марий кугыжаныш драме театр		АПРЕЛЬ		Рекламе.
17 рш	ТОРЕШВАТЕ	16:00	У. Шекспир	12+
		/ Угрошение строптивой		2 шөг. 30 мин.
19 кш	FOLKS	18:00	С. Пектеев	6+
		Сказки народов мира		1 шөг.
20 вр	ТЕРГЫШЕ	18:00	Н. Гоголь	12+
		/ Ревизор		
26 кш	ЎДЫР ТАҢЛАН САЙ ПЕЛАШ	18:00	В. Красногоров	16+
		/ Три красавицы		1 шөг. 45 мин.
27 вр	ЭХ, КУШТО ЎДЫРЫМ МУАШ?	18:00	А. Попов	16+
		/ Женись, сынок, женись		2 шөг.
28 из	ОРЬЕН МЕЛНА	18:00	А. Волков	12+
		/ Свадебные блины		2 шөг. 25 мин.

Кайык пыжашыжым пушенгын кечывалвел могырешыже опта – кенез юалге лиеш.

Кайык-влак кугу тўшка дене чокештен толыт – шошо рўж эрта.

Калык пале-влак.



«Ямде лий» газет
Тўн редактор
Л.Н.ГРИГОРЬЕВА.
Индекс: П4696.
Тираж 1550 экз. Заказ
Формат – А-4-8.
https://vk.com/yamde_lii
<https://ok.ru/yamdelii>
E-mail: yamde_lii@mari-el.ru
(документ кагазлан),
yamde_lii@mail.ru
(автор-влаклан)
Сайтын адресше: ямделий.рф

УЧРЕДИТЕЛЬ-ВЛАК: Марий Эл Республикысе культуру, печать да калык-влакын пашашт шотышто министерстве, «Кугарня» газет» кугыжаныш унитарный казна предприятий.

Газетым редакцийыште погымо да верстатлыме, «Марий Эл Республикысе Правительствын типографийже» ООО-што ямде оригинал-макет гыч савыктыме. Типографийын адресше: 424000, Йошкар-Ола, Комсомольский урем, 112.

Газетым Кыл, информационный технологий да массовый коммуникаций сферым эскериме шотышто федеральный службын Юл кундем федеральный округысо управленийыштыже регистрироватлыме.
Номер – ПИ № ТУ52-01335,
2021 ий 29 сентябрьыште пуымо.

0+

Печатьыш пуымо жап –
14-00,
фактически – 13-00

Авторын да редакцийын шонымышт тўрлў лийын кертыт. Серыш-влак мўнгеш огыт колталт.
Ак – кутырен келшыме почеш.

Редакцийын да издательнын адресше:
424006, Йошкар-Ола, СССР Вооруженный Вийын 70-ше идалькше урем, 20-шо пўрт.
Тел. 8(8362) 45-22-82(факс)

Модель улам



Марианна
СУАРМЕТОВА.
Татарстан, Актаныш,
Йүштө Памаш.



Мария МАМАЕВА.
Кужэнгер,
Кугу Ререж.



Наталья
ТОКУНОВА.
Морко, Эгерүмбал.



Арина ИВАНОВА.
Шернур,
Кукнур Купсола.

«+» але «-» знакым чын
шындыза.




Йоча-влак, тиде сүрет
могай йомак гыч,
авторжо кө!
Йомаклан келшышын
чиялтыза.

19 апрель –
Лумпеледышын
кечыже.



Кажне радамаште
ойыртемалтше фигурым
палемдыза.



Смешарик-влакын
ўмылкаштым муза.



«К» буква дене

Колым кученыт

Кугу капан Костя Кошаев, Кирилл Константинов кугарнян Корамас кундеммыш колым кучаш каеныт. Костя кок колым кучен, Кирилл – кудытым. Кастене Костя, Кирилл кудыш каеныт. Костян кочаже колым конгаш коптитлен. Кириллын коваже колым көршөкеш күктен. Кочкышым күктымеке, кумылышт кавашке күзен, куаненыт.

Александр ИВАНОВ.

Волжский, Сотнур.

Сүретыште мо уто да молан!



Интернетысе сүрет-влакым кучылтмо.